



# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: concellodemeano@terra.es • Web: www.concellodemeano.com

## **REGULAMENTO MUNICIPAL DA VENDA AMBULANTE DO CONCELLO DE MEAÑO**

### **CAPITULO I.- DISPOSICIÓNS XERAIS.**

#### **Artigo 1.- Obxecto e ámbito.**

Este regulamento ten por obxecto regular, con carácter xeral, o exercicio da venda ambulante, nas distintas modalidades que se regulan no mesmo, dentro do termo municipal de Meaño.

#### **Artigo 2 .- Marco normativo .**

A venda ambulante rexérase, ademais do disposto pola presente ordenanza, polo establecido no Decreto da Consellería de Industria e Comercio 194/2001, de 26 de xullo de ordenación da venda ambulante, na Lei 10/1988, de 20 de xullo, de Ordenación do Comercio Interior de Galicia, e polas normas sectoriais reguladoras da venda e comercialización de cada produto en concreto, en especial os regulamentos técnico sanitarios aplicables á produción e comercialización de cada produto.

#### **Artigo 3.- Competencia.**

Corresponde o Concello de Meaño, sen perxucio das competencias doutras administracións, conceder a autorización para o exercicio da venda ambulante dentro do seu termo municipal e a ordenación, execución, inspección e control das medidas necesarias para un desenvolvemento satisfactorio do Mercadillo, e outros acontecementos extraordinarios, nós que se desenrolen actividades de venda ambulante, do cumprimento dos requisitos para a obtención das correspondentes autorizacións municipais e de facer cumprir a presente ordenanza.





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: [concellodemearno@terra.es](mailto:concellodemearno@terra.es) • Web: [www.concellodemearno.com](http://www.concellodemearno.com)

## CAPITULO II. DA VENDA AMBULANTE EN XERAL.

### Artigo 4.- Concepto de venda ambulante

Considérase venda ambulante a realizada polos comerciantes fóra dun establecemento comercial permanente, de forma habitual, ocasional, periódica ou continuada, nos perímetros ou lugares debidamente autorizados, en instalacións desmontables ou transportables, incluídos os camións tenda.

### Artigo 5.- Modalidades de venda ambulante

1.- A venda ambulante no termo municipal de Meaño só poderá realizarse baixo algunha das seguintes modalidades:

- a) Venda ambulante en mercados periódicos: aqueles situados en poboacións, en espazos determinados e cunha periodicidade habitual establecida.
- b) Venda ambulante en mercados ocasionais: Son aqueles que se celebran de maneira non periódica en razón a festas ou acontecementos populares, previamente autorizados pola Alcaldía ou órgano en que delegue.
- c) Venda ambulante de peixe ou produtos conxelados en camións-tenda con carácter itinerante nos lugares e cos itinerarios que se autoricen polo Concello.

2.- Segundo o artigo 2.4 do Decreto 194/2001, de 26 de xullo non terá consideración de venda ambulante:

- a) Actividades comerciais reguladas pola Lei 1/1996, de 5 de marzo de actividades feirais de Galicia e as súas normas de desenvolvemento.





- b) Venda directa exercida polos agricultores no seu termo municipal ou nos termos limítrofes, limitada á súa propia produción.
  - c) Venda de obxectos artesáns realizados polos propios produtores, con motivo de festas, feiras ou acontecementos populares.
  - d) Venda puramente ocasional de xornais, plantas e flores, así como de obxectos usados de pertenza particular do vendedor.
- Tampouco teñen a consideración de venda ambulante a venda a distancia nin a venda automática mediante máquinas preparadas ó efecto.

## **Artigo 6.- Suxeitos da venda.**

A venda ambulante poderá ser exercida por toda persoa física ou xurídica legalmente constituída que se adique profesionalmente á actividade de comercio polo miúdo e reúna os requisitos establecidos na presente ordenanza e demais normativa que fose de aplicación.

## **Artigo 7.- Requisitos para o exercicio da actividade de venda ambulante.**

Para o exercicio da venda ambulante as persoas deberán cumpri-los seguintes requisitos:

1. Ser persoa física (maior de idade) ou persoa xurídica que se atope legalmente constituída.
2. Se o titular procede de países non comunitarios deberá estar en posesión dos permisos de residencia e de traballo, ou de proceder de países comunitarios, da tarxeta de residencia.
3. Estar inscritos no Rexistro de Comerciantes Ambulantes de Galicia e posuír o carné que ten carácter persoal e intransferible.
4. Estar de alta no epígrafe do IAE, na modalidade de venda ambulante





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: concellodemeano@terra.es • Web: www.concellodemeano.com

5. Estar ó día no pagamento das súas obrigas coa Facenda Pública e coa Seguridade Social.
6. Ter o día un Seguro de Responsabilidade Civil.
7. Cumprir tódolos requisitos que establezan as regulamentacións específicas aplicables ós produtos autorizados que teñan á venda.
8. Estar en posesión do carné sanitario de manipulador de alimentos, actualizado, cando proceda á venda de artigos alimenticios.
9. Estar en posesión da autorización municipal correspondente para este tipo de venda. Esta licenza sinalará o obxecto da venda e deberá manterse, para a súa exhibición, en lugar visible e permanente.

Para o exercicio da venda ambulante da modalidade c) ou que inclúa mercancias perecedeiras, deberán cumprir ademáis os seguintes requisitos, en relación co vehículo:

1. Certificado ATP en vigor.
2. Documentación do vehículo coa indicación da clasificación e ITV, en vigor.
3. Acta de inspección sanitaria.

## **CAPÍTULO III. NORMAS DE FUNCIONAMENTO DO MERCADILLO**

### **Artigo 8.- Emprazamento.**

1. A venda ambulante nas modalidades a) e b) só queda autorizada na Praza do Concello, situada na R/Campo da Feira (Meaño).
2. Para extende-las zonas sinaladas a outros lugares ou rúas ou modifica-lo emprazamento do Mercadillo por causa de forza maior, de interese xeral ou municipal, requirirase acordo do Pleno da Corporación. En todo caso o recinto deberá reunir as condicións hixiénicas e sanitarias axeitadas a actividade e de doado acceso para vendedores e compradores.





3. A venda ambulante na modalidade c) queda autorizada nos núcleos rurais de poboación, quedando expresamente prohibida non núcleos urbanos nos que exista mercado municipal.

## **Artigo 9.- Periodicidade e horario.**

1. Periodicidade: A venta ambulante en mercadillo periódico será o primeiro e terceiro domingo de cada mes.

2. Horario: Comprende aproximadamente dende as 08:00 as 15:00, no que se procederá a súa retirada. O montaxe dos postos deberá efectuarse entre as 08.00 e as 9,30 horas, quedando prohibida a entrada de calquera vehículo no recinto do mercado a partir de esta hora salvo días de temporal ou forza maior.

## **Artigo 10.- Instalacións.**

1. Todo "mercadillo" terá unha dotación de infraestrutura e equipamento que garanta o cumprimento das normas sobre sanidade, hixiene e respecto ó medio urbano e veciñal onde se instala e que, polo menos, cumprirá as seguintes esixencias:

a) O "mercadillo" deberá instalarse sobre superficie pavimentada.

b) Deberá dispoñer de servicios hixiánicos.

c) Dentro da superficie do "mercadillo" existirán depósitos destinados á recollida de refugallos ocasionados pola actividade comercial.

2 . As persoas autorizadas, ó final de cada xornada comercial, deberán deixar limpos de refugallos os respectivos espacios.

## **Artigo 11.- Dos postos, camiión ou vehículos tenda.**

1. A venta autorizarase en postos de carácter desmontable, instalacións camiión ou vehículo tenda, que terán unhas condicións axeitadas ás características dos produtos autorizados.





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: concellodemeano@terra.es • Web: www.concellodemeano.com

2. Os postos terán no voo unha superficie máxima de ancho de 3 metros pola cantidade de metros de largo que cada vendedor solicitase e lle fosen adxudicados polo Concello. Para protexerse das inclemencias metereolóxicas poderá ampliarse o voo sen que moleste os demais comerciantes que non poderán ser ocupados con xénero algún.

3. A mercancia atoparase sempre dentro da superficie do posto..

4. En todo caso o vendedor extremará a limpeza na zona de venda.

5. Queda prohibido: a exposición de mercadorías no chan, debendo estar en mesas para garantir unhas condicións mínimas de hixiene e sanidade, ou, ben directamente nas cestas.

6. Os camións-tendas estarán adaptados segundo a mercancia e contarán coa documentación sinalada no artigo 7 deste regulamento.

## **Artigo 12.- Competencia.**

A organización, intervención e inspección do mercadillo corresponde o Concello. O Alcalde designará un encargado do mercadillo.

1. O encargado dos mercadillos, representa ao Concello e deberá ser por tanto permanentemente respectado por todos os vendedores e clientes do mercadillo, os cales acatarán as directrices e ordes que dicte, sinalando entre as súas competencias as seguintes:

- a) Coidar de que non entre no mercadillo ningunha persoa que non está autorizada e que a actividade no interior do mercadillo se realice con normalidade, de acordo co disposto en esta Ordenanza e demais disposicións vixentes, dando conta ao Concello por escrito das anomalías que observen no funcionamento do mercadillo.
- b) Atender as queixas e reclamacións do público e vendedores resolvendo de inmediato aquelas que así o aconsellen, dando conta en calquera caso a Alcaldía.





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: [concellodemearno@terra.es](mailto:concellodemearno@terra.es) • Web: [www.concellodemearno.com](http://www.concellodemearno.com)

- c) Levar debidamente ordenadas e archivadas copias das autorizacións concedidas, compulsadas polo Concello poñendo en coñecemento dos vendedores a finalización da vixencia de estas a cada un dos afectados, os efectos de renovar a autorización.
- d) Archivar por rigoroso orden a presentación, copia das solicitudes que se presenten, comunicando ao interesado primeiro na lista de espera, cando quede vacante algún dos postos.
- e) Velar polo bo orden, e a limpeza del mercado.
- f) Notificar aos vendedores as comunicacións do Concello que lles afecten directamente.
- g) Manter continuamente informada a Alcaldía de todo aquilo que de algunha relevancia ocorra no mercadillo.
- h) Cantas outras funcións resulten de esta Ordenanza, ou lle foran encomendadas pola Alcaldía.
- i) Recabar a presenza da Policía Local para o decomiso das mercadorías cando non se dispoña da preceptiva licenza municipal para desenvolver a actividade ou se poñan a venda produtos falsificados.

## **Artigo13.- Da venda.**

Os vendedores ambulantes deberán cumprir no exercicio da súa actividade coa normativa vixente na materia de exercicio do comercio e da disciplina do mercado, deberán observar as normas de competencia leal e usos mercantís e responderán de que os produtos obxecto de venda cumpren as condicións e requisitos esixidos pola normativa que os regula, tanto en materia sanitaria como no referente á súa presentación, etiquetaxe e demais que se establezan nelas.

## **Artigo14.- Dos produtos.**

### **1. Produtos autorizados en mercados periódicos:**





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: [concellodemearno@terra.es](mailto:concellodemearno@terra.es) • Web: [www.concellodemearno.com](http://www.concellodemearno.com)

Nos mercados periódicos só se poderán vender produtos autorizados tales como: artigos textís, calzados, ornamentais, menaxe, lencerías, plantas, flores, frutas e hortalizas, embutidos e produtos similares.

Queda expresamente prohibida a venda de carnes e caza frescas, refrixerados e conxelados; pescados e mariscos frescos, refrixerados e conxelados; leite, queixos, requeixos, nata, manteiga, iogures e outros produtos lácteos frescos; pastelería e bolería rechea ou guarnecida; pastas alimenticias frescas e recheas, anchoas, afumados ou outras semiconservas; así como aqueles outros produtos que polas súas especiais características e a xuízo da autoridade competente conleven riscos sanitarios.

Sen embargo poderase permiti-la venda dos produtos anteriormente citados cando dispoñan de instalacións frigoríficas ou estén debidamente envasados.

O concello poderá non autorizar en determinados momentos a venda de produtos que poidan ser prexudiciais para a saúde pública. Igualmente estará prohibida a venda daqueles produtos cando a normativa específica así o estableza.

## 2. Condicións.

1. Os postos que expendan artigos de peso ou medida, deberán dispoñer de cantos instrumentos sexan necesarios para pesar ou medir os produtos.

Os artigos de uso alimentario deberán situarse a unha distancia do chan non inferior a 60 cm.

2. Os artigos a venda deberán cumprir o establecido na materia de sanidade e hixiene.

3. A venda de produtos perecedoiros, adecuarase en todo momento as condicións é esixencias hixiénico-sanitarias vixentes. En caso de infraccións a tales leis ou normas, estableceranse as oportunas sancións pola administración competente.

5. A autoridade municipal poderá decomisar os que non cumprisen tales condicións, e baixo a consideración de falta moi grave abrir o oportuno expediente sancionador





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: [concellodemeano@terra.es](mailto:concellodemeano@terra.es) • Web: [www.concellodemeano.com](http://www.concellodemeano.com)

o responsable da venda. Nos supostos en que sexa previsible o decomiso dos produtos, poderse proceder a intervención cautelar dos mesmos.

## **Artigo 15 .- Obrigas e dereitos dos vendedores**

Son obrigas dos vendedores autorizados:

- a) Abonar a taxa que fixe a ordenanza reguladora por ocupación da vía pública.
- b) Manter aberto o público o posto debidamente atendido e abastecido.
- c) Acatar as normas que estableza o Concello para o bo funcionamento do mercado.
- d) Realizar o final da xornada a limpeza dos espazos ocupados.
- e) En xeral, cumprir tódalas condicións establecidas nesta Ordenanza, e demais disposicións legais vixentes que sexan aplicables.
- f) Estar en posesión de facturas ou albarás que acrediten a procedencia da mercancía e deben presentala a requirimento da autoridade competente.

Os vendedores de peixe disporán en todo momento da guía de procedencia dos produtos.

Son dereitos dos vendedores autorizados:

- a) Recabar a debida protección das autoridades locais para poder realizar a actividade para a que están autorizados.
- b) Presentar as alegacións e suxerencias para o mellor exercicio da actividade.

## **CAPÍTULO III. DAS AUTORIZACIÓNS**

### **Artigo 16.- Autorización municipal.**

1. Para poder exercer a venda ambulante no Concello de Meaño será preciso posuír a correspondente autorización municipal que será individual e intransferible, agás nos supostos de falecemento do titular que lle será transmitida automaticamente a algún familiar directo, cónxuxe, pais, fillos ou irmáns. A autorización concederáse a persoas físicas ou xurídicas, e terá carácter persoal e intransferible. Non obstante,





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: concellodemeano@terra.es • Web: www.concellodemeano.com

a petición do interesado, a autorización habilitará, ademais do seu titular, ao cónxuxe e aos seus ascendentes ou descendentes directos maiores de 16 anos, e as persoas vinculadas a el mediante contrato laboral. Non poderá ser cedida ou subarrendada a terceiros.

2. O outorgamento da autorización municipal correspóndelle a Alcaldía, sen prexuízo das facultades de delegación.

3. Esta autorización tan só dará dereito a un só posto de venda, e só poderá autorizarse unha por cada IAE regulamentario.

3. O contido da autorización será o regulado no artigo 14 do Decreto 194/2001, de 26 de xullo, de ordenación da venda ambulante. A adxudicación concreta do posto farase por estricto orde de antigüidade.

4. Esta autorización deberá exhibirse obrigatoriamente e durante o tempo de duración do mercadillo nun lugar visible do posto, ou, no seu caso, estar sempre a disposición da autoridade competente que a poida solicitar.

5.- Ao conceder as autorizacións procurarase a obtención dunha estrutura da oferta comercial equilibrada e variada entre os diferentes sectores de actividade, acordes coa demanda.

## **Artigo 17.- Réxime de solicitude da autorización**

1. A autorización para o exercicio da actividade da venda ambulante deberá ser solicitada polo interesado ou representante debidamente autorizado, en impreso normalizado que figura como ANEXO II da presente Ordenanza que se entregará no Concello, xunto coa seguinte documentación:

a) Fotocopia da Tarxeta acreditativa da inscrición no Rexistro de Comerciantes Ambulantes de Galicia debidamente actualizada.

b) Fotocopia do DNI/CIF e NIF. No caso de que o solicitante sexa estranxeiro deberá acompañar fotocopia do pasaporte e do permiso de residencia e traballo ou





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: [concellodemeano@terra.es](mailto:concellodemeano@terra.es) • Web: [www.concellodemeano.com](http://www.concellodemeano.com)

da tarxeta de residencia, en vigor, segundo se trate de estranxeiros de países non comunitarios ou comunitarios, respectivamente.

- c) Certificación expedida pola Xunta de Galicia acreditativa da súa inscrición no Rexistro de Comerciantes Ambulantes de Galicia.
- d) Alta no epígrafe correspondente do imposto de actividades económicas.
- e) Fotocopia do ultimo recibo do Seguro Autónomo orixinal e alta nó mesmo.
- f) Se a licenza afecta á venda de produtos alimentarios, deberá achegar fotocopia do carné de manipulador de alimentos en vigor.
- g) Certificado de atoparse o corrente de pago nas obrigas tributarias e da Seguridade Social ou xustificante que acredite o aprazamento do pago.
- h) Copias compulsadas dos contratos de traballo que acrediten a relación laboral das persoas que vaian desenrolar a actividades no nome do titular, cando este sexa persoa xurídica.
- i) Documentación acreditativa da constitución legal e inscrición no oportuno Rexistro Mercantil, para o suposto de que se trate dunha persoa xurídica.
- j) Seguro de responsabilidade civil.

Para a venda ambulante de peixe ou produtos conxelados en camións-tenda ou de outros produtos perecedeiros, deberán achegar ademáis:

1. Certificado ATP en vigor.
2. Documentación do vehículo coa indicación da clasificación e ITV, en vigor.
3. Acta de inspección sanitaria.





## **Artigo 18.-Validez da autorización.**

As autorizacións terán unha validez por un ano, prorrogables, por acordo expreso do órgano que teña atribuída a competencia para concede-la autorización, por períodos sucesivos de anos naturais, previa presentación da documentación orixinal esixida polo Concello para a solicitude é sempre que non exista denuncia da mesma por calquera das partes.

As licencias serán persoais e intransferibles. Non obstante a autorización habilitará, ademais do seu titular, o cónxuxe, os seus descendentes directos maiores de 16 anos e as persoas vinculadas o interesado mediante contrato laboral.

## **CAPÍTULO IV.-RÉXIME SANCIONADOR**

### **Artigo 19.-Infraccións e sancións.**

Constitúen infraccións unicamente as condutas tipificadas como tales neste artigo:

1. O incumprimento das normas establecidas na presente ordenanza, así como as determinadas na normativa reguladora da defensa dos consumidores e usuarios e demais normativa de aplicación dará lugar á incoación do correspondente procedemento sancionador. As faltas clasificaranse en leves, graves e moi graves.

#### **2.-Serán faltas leves:**

- Producir ruídos, berros ou música que incumpran a ordenanza de ruídos e vibracións.

- A falta de ornato ou limpeza das instalacións e na zona do posto.





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: concellodemearno@terra.es • Web: www.concellodemearno.com

- Aumentar a superficie do posto con mais metros dos autorizados, ou non gardar a distancia establecida entre postos.

- Non deixar limpo e recollido o lugar onde estivo instalado

### **3.-Serán faltas graves:**

- A reiteración por tres veces en faltas leves no período dun ano.

- A venda de produtos distintos dos autorizados na licencia.

- A desobediencia a atende-las normas de orde e indicacións da Policía Municipal.

### **4.-Serán faltas moi graves:**

- A reiteración por tres veces de faltas graves nun ano.

- Non estar inscrito no Rexistro de comerciantes de Galicia.

- Non estar inscrito no imposto de actividades económicas ou non estar ó día no pagamento das obrigas tributarias respecto da actividade que se exerza.

- Non estar dado de alta no réxime correspondente da Seguridade Social.

- A venda de produtos non autorizados pola licencia.

- A venda de produtos en estado tal que poidan causar dano para a saúde.

- O exercicio da actividade por persoa diferente da autorizada ou do seu suplente.

- A instalación dos postos sen licencia.





- A venda de produtos non autorizados.

5.-A aquelas infraccións da presente ordenanza que sexan concordantes coas establecidas na Lei 26/1984, do 19 de xullo, xeral para a defensa dos consumidores e usuarios, seranlles de aplicación o réxime de infraccións e sancións previsto no devandito texto legal, así como nas normas que o desenvolven.

## **Artigo 20.º . Sancións**

As sancións que se aplicarán serán, sen prexuízo do disposto no apartado 5.º do artigo 24, as que seguen:

1.-Por faltas leves, multas de 30,00 a 60 €.

2.-Por faltas graves, multas de 60,00 a 300,00 €.

3.-Por faltas moi graves:

- Multas de multas de 300,00 a 600,00 €.

- Revogación da autorización, coa posibilidade de chegar a decomisa-la mercadoría nos casos de venda de produtos non autorizados e nos casos legalmente establecidos.

4.-Correspóndelle ó señor Alcalde a imposición de multas e demais sancións.

## **Artigo 21.º .- Procedemento.**

Para a determinación das infraccións e a imposición das sancións previstas nesta ordenanza será de aplicación o procedemento administrativo sancionador regulado polo real Decreto 1398/93, do 4 de agosto, polo que se aproba o regulamento do procedemento para o exercicio da potestade sancionadora con carácter xeral; a Lei





# CONCELLO DE MEAÑO (Pontevedra)

C.P. 36968 • Rúa Campo da Feira nº 1 • Teléfs.: 986 74 71 02 - 986 74 75 85 • Fax: 986 74 73 91  
Email: concellodemeano@terra.es • Web: www.concellodemeano.com

30/92, do 26 de novembro, reguladora do réxime xurídico das administracións públicas de procedemento administrativo común, e demais normas concordantes.

## Disposición derogatoria.

Queda derogado o Regulamento de venda ambulante no mercado de Meaño, aprobado polo Pleno da Corporación en sesión de data 29 de outubro de 1992 dentro do termino municipal de Meaño.

## Disposición finais

Primeira.

O presente Regulamento, do que a súa redacción definitiva foi aprobada polo Pleno da Corporación en sesión celebrada o \_\_\_\_\_, entrará en vigor unha vez publicado o texto íntegro no Boletín Oficial da Provincia e transcorrido o prazo a que se refire o art. 70.2 en relación co 65.2 da Lei 7/85, do 2 de abril, Reguladora das Bases do Réxime Local, permanecendo en vigor ata a súa modificación ou derogación expresa.

Segunda.

Para o non previsto no presente regulamento será de aplicación o establecido na Lei 7/85, do 2 de abril, Reguladora das Bases do Réxime Local, Lei 10/1988, do 20 de xullo, de ordenación do comercio interior de Galicia e Decreto 194/2001, do 26 de xullo, de ordenación da venda ambulante.

Meaño, a 24 de abril de 2007

O Alcalde



